



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

21 JUN 2022 (SELASA)

Oleh Amir Abd Hamid
amir_hamid@mediapri-
ma.com.my

Kuala Lumpur

Kementerian Perdagangan Dalam Negeri dan Hal Ehwal Pengguna (KPDNHEP) hanya menerima satu aduan mengenai peniaga durian tidak mempamerkan tanda harga jualan raja buah itu, tahun ini.

Pengarah Penguatku-

Banding harga baru beli

KPDNHEP hanya terima satu aduan peniaga durian tidak pamer tanda harga

sa KPDNHEP Azman Adam berkata, aduan bagi kesalahan itu tahun lalu juga hanya satu manakala 2020 (10 aduan), 2019 (dua aduan) dan 2018 (enam aduan).

Beliau berkata, aduan pelbagai mengenai durian seperti kualiti, timbang dan sebagainya pula adalah sembilan pada 2022 setakat kelmarin manakala bagi 2021 (84 aduan) dan 2020 (78 aduan).

"Bagi kesalahan gagal meletakkan tanda harga mengikut Peraturan 2, Perintah Kawalan Harga dan Antipencatutan (Penandaan Harga Bagi Barangan dan Caj Bagi Perkhidmatan) 2020, boleh didenda bagi orang perseorangan tidak melebihi RM50,000 manakala pertubuhan per-

badanan tidak melebihi RM100,000.

"Bagi kesalahan gagal menentukan alat timbang sukat di bawah Seksyen 14 (6) Akta Timbang dan Sukat 1972 pula boleh didenda tidak melebihi RM40,000 atau dipenjarakan tidak melebihi tiga tahun atau kedua-duanya sekali," katanya.

Beliau menasihatkan pengguna membuat pilihan sebelum membeli dan sebaik-baiknya buat perbandingan harga.

Peniaga durian, Baderi Meli, 34, yang berniaga di Jalan Sentul Pasar di sini, berkata, beliau meletakkan tanda harga perkilogram (kg) bukan sahaja kerana mengikuti peraturan malah memudahkan pelanggan membuat pilihan.

"Umumnya harga durian

berubah-ubah. Sekarang banyak durian dari Johor.

"Seawal Subuh, saya ambil dari pemborong di Tangkak dan bawa ke sini untuk berniaga," katanya.

Menurutnya, buat masa ini musim durian luruh berlaku di Johor, Pahang, Perak, Pulau Pinang, Negeri Sembilan dan Melaka.

Penggemar durian, Dalmeida Kaur, 68, berkata, dia tidak terlalu kisah dengan harga durian sebab hanya mahu menikmati sedikit dan itu pun bila teringin.

Lagipun, katanya, sebagai pelanggan, dia boleh memilih durian mengikut kemampuan.

"Memang setiap musim durian saya akan cari dan pernah ke Mantin, Negeri Sembilan.

"Berbalik pasal harga, pembeli boleh tanya penjual. Lagipun memang ada tanda harga," kata suri rumah itu yang membeli durian de-

ngan ditemani anaknya Jespreet Kaur, 32.

Jurutera perkilangan, Chin Lap Sin, 40, berkata, dia tetap melihat harga sebelum membeli durian.

Katanya, pilihan untuk mengetahui harga durian juga mudah didapati termasuk menerusi Facebook.

"Jika harga durian bergred dijual sekitar RM20 sekilogram, okay dah.

"Semalam saya ada makan durian yang saya beli murah berharga RM50 selonggok empat biji di pasar malam di tempat tinggal saya di Puchong.

"Apabila bawa balik rumah, ada yang rasa masam. Sebab itu hari ini saya beli durian IOI, udang merah dan durian kahwin, siap buka dan hanya bawa balik isi.

"Puas hati, yang penting ada bajet kita beli, jika rasa mahal kita pergi tempat lain sebab ramai peniaga jual durian ketika ini," katanya.



“Jika rasa mahal kita pergi tempat lain sebab ramai peniaga jual durian ketika ini”
Chin Lap Sin



BADERI menimbang durian yang dibeli Dahmide (kiri) di Jalan Pasar Sentul, Kuala Lumpur.
- Gambar NSTP/MOHAMAD SHAHRIL BADRI SAALI

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) mengalu-alukan kerjasama diberikan penjual durian untuk terus menjalankan aktiviti perniagaan secara jujur.

Menterinya, Datuk Seri Alexander Nanta Linggi berkata, peniaga durian perlu beretika dan tidak mengambil kesempatan dengan melakukan manipulasi harga mahu pun timbangan.

Katanya, peniaga juga disarankan menggunakan alat timbangan yang bersesuaian dalam urusan penjualan durian.

"Kepentingan pengguna dan ekosistem peniaga

Peniaga jujur guna alat timbang sesuai

adalah keutamaan kami di KPDNHEP.

"Sokongan serta kerjasama semua pihak amat diperlukan. Setiap kali musim durian, kami akui pelbagai aduan diterima KPDNHEP berkaitan aktiviti perniagaan yang dijalankan penjual durian," katanya.

Katanya, anggota penguatkuasa KPDNHEP sentiasa mengadakan pemeriksaan dan dari 1 Januari hingga 19 Jun lalu, 256 pemeriksaan dijalankan.

"Setakat 19 Jun 2022, sembilan aduan berkaitan

aktiviti penjualan durian diterima.

"Tiada tanda harga, tidak menggunakan alat timbang betul dan harga jualan terlalu mahal menjadi antara aduan diterima Bahagian Penguatkuasa KPDNHEP," katanya.

Beliau berkata, pemeriksaan dijalankan merangkumi elemen seperti meletakkan tanda harga dengan jelas, mempamerkan jenis durian, menggunakan alat timbang sesuai dan memastikan alat timbang masih dalam tempoh tentusah.



MUHAMAD Zaki (kanan) melihat pam penyedut minyak ketika melawat lokasi serbuan terhadap syarikat pembekal diesel di Kampung Tebing Tinggi. - Gambar NSTP/SYAHERAH MUSTAFA

Polis rampas diesel, tahan lapan individu

Tanah Merah: Polis merampas sebanyak 97,780 liter minyak diesel bernilai RM210,227 dalam dua serbuan berasingan di Tanah Merah dan Machang awal pagi kelmarin.

Pemangku Ketua Polis Kelantan Datuk Muhammad Zaki Harun berkata hasil serbuan yang dilakukan oleh anggota Batalion 8 Pasukan Gerakan Am (PGA8) dan Kementerian Perdagangan Dalam Negeri dan Hal Ehwal Pengguna (KPDHNEP) Kelantan berjaya menahan lapan

suspek termasuk seorang warga Bangladesh berumur antara 29 hingga 50 tahun.

"Hasil dua serbuan itu pihaknya merampas lima lori, tiga mesin penyedut minyak dan enam tangki statik dengan nilai keseluruhan rampasan berjumlah RM910,007.

"Semua lapan suspek ditahan dibawa ke Ibu Pejabat Polis Daerah (IPD)

Tanah Merah dan Machang untuk tindakan selanjutnya dan kes disiasat di bawah Seksyen 21 Akta Kawalan Bekalan 1961," katanya selepas melawat lokasi rampasan minyak diesel di Kampung Tebing Tinggi di sini.

Beliau berkata pihaknya mendapati mereka yang ditahan itu menggunakan modus operandi dengan membeli minyak ber-

subsidi menggunakan lori biasa yang tangkinya diubah suai untuk mengaburi pihak berkuasa sebelum dipindahkan ke tangki statik di kilang utama.

"Kegiatan haram yang dilakukan oleh sebuah syarikat pembekal minyak diesel di Tanah Merah itu yang membeli diesel bersubsidi dan bukan dengan harga minyak industri sepertimana yang ditetapkan oleh kerajaan, dipercayai telah lama menjalankan kegiatan berkenaan," katanya.

Lapan suspek termasuk seorang warga Bangladesh ditahan

Kapal bawa 170,000 liter diesel ditahan

Kota Kinabalu: Agensi Penguatkuasaan Maritim Malaysia (Maritim Malaysia) menahan sebuah kapal tangki yang disyaki membawa 170,000 liter diesel tanpa kebenaran bernilai kira-kira RM900,000 di kawasan perairan Teluk Sepanggar di sini, kelmarin.

Pengarah Maritim Sabah dan Wilayah Persekutuan Labuan, Laksamana Pertama Datuk Mohd Rosli Abdullah, berkata kapal itu ditahan oleh bot peronda Maritim Malaysia yang sedang melakukan rondaan dalam operasi khas pada kedudukan 0.2 batu nautika tenggara Teluk Sepanggar, kira-kira jam 2 petang.

Beliau berkata, kapal tangki berkenaan ditahan selepas dikesan berada dalam keadaan mencurigakan.

"Kapal tangki itu dikendalikan empat kru, termasuk nahkoda warga tempatan berusia antara 24 hingga 72 tahun dan pemeriksaan menemui 170,000 liter diesel yang tidak diisytiharkan dan tiada dokumentasi sah.

"Pemeriksaan lanjut ke atas sistem navigasi dan rekod pergerakan kapal pula didapati ia sengaja dimatikan hingga me-



Kapal tangki yang membawa muatan diesel tanpa kebenaran ditahan Maritim Malaysia di perairan Kota Kinabalu, semalam. (Foto ihsan APMM)

nimbulkan kecurigaan," katanya dalam kenyataan, semalam.

Mohd Rosli berkata, kapal itu juga melakukan kesalahan lain antaranya, dokumen pertukaran butiran syarikat yang tidak dimaklumkan kepada pendaftar kapal serta ia tidak

berdaftar di negara ini.

"Pengoperasiannya tanpa kru lengkap seperti dalam Daftar Keselamatan Kapal dan nahkoda, ketua jurutera serta kru tidak memenuhi syarat kompetensi sepatutnya, selain peralatan keselamatan tidak men-

cukupi," katanya.

Mohd Rosli berkata, kapal dan kru ditahan dan diiringi ke Jeti Maritim Sepanggar untuk siasatan lanjut mengikut Seksyen Ordinan Perkapalan Saudagar (MSO 1952) dan Akta Bekalan 1961.



KEMENTERIAN PERDAGANGAN DALAM NEGERI
DAN HAL EHVAL PENGGUNA

KERATAN AKHBAR DAN MEDIA ONLINE (AGENSI KPDNHEP)

21 JUN 2022 (SELASA)

Kertas siasatan kegiatan kartel ayam dibentang minggu depan

Pembentangan tentukan keputusan syor atau tindakan bakal diambil

Oleh Suzalina Halid
suzalina@bh.com.my

Kuala Lumpur: Kertas siasatan berhubung kegiatan kartel ayam yang sedang dijalankan Suruhanjaya Persaingan Malaysia (MyCC) akan dibentangkan kepada anggota suruhanjaya itu, minggu depan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata pembentangan itu bagi menentukan keputusan cadangan atau tindakan bakal diambil terhadap pihak terbabit daripada hasil siasatan.

"Kertas siasatan berkenaan akan dibentangkan kepada ang-

gota suruhanjaya pada 27 Jun ini," katanya kepada BH, di sini, semalam.

Sebelum ini, BH melaporkan MyCC kini dalam peringkat akhir melengkapkan siasatan terhadap sekumpulan syarikat dalam rantaian bekalan ternakan ayam berhubung kemungkinan wujud kartel yang mempengaruhi harga dan bekalan.

Laporan sebelum ini menyebut syarikat terbabit terdiri daripada pengimport dan pengeluar sebagai komponen industri utama dalam pembekalan ayam di negara ini yang disiasat mengikut Seksyen 4 Akta Persaingan 2010.

Perdana Menteri, Datuk Seri Ismail Sabri Yaakob, sebelum ini turut menyatakan siasatan MyCC berhubung laporan wujud kartel yang mengawal harga dan pengeluaran ayam dalam kalangan syarikat besar akan selesai pada Jun.

Pada masa sama, Alexander berkata, siasatan itu kini masih pada peringkat akhir dan belum selesai sepenuhnya.

Sementara itu, Ketua Pegawai Eksekutif MyCC, Iskandar Ismail, berkata keputusan cadangan yang menetapkan tindakan diambil berhubung siasatan kartel ayam terbabit dijangka diperolehi bulan depan.

Beliau berkata, keputusan cadangan itu akan hanya ditetapkan selepas kertas siasatan dibentangkan kepada semua anggota suruhanjaya pada 27 Jun ini.

"Melalui pembentangan kertas siasatan ini, kita tidak memanggil syarikat yang sedang disiasat sebaliknya hanya anggota suruhanjaya.

"Selepas itu, keputusan cadangan akan dikeluarkan dan kita jangka kes ini boleh diselesaikan secepat mungkin," katanya.

Beliau berkata, sebaik selesai kelak, pihaknya menjangka persaingan dalam industri ayam boleh ditingkatkan, sekali gus me-

nambah bekalan di pasaran.

Katanya, sepanjang tahun ini MyCC mempunyai lebih 20 kes siasatan termasuk penipuan bida, namun pihaknya memberi tumpuan dan keutamaan terhadap isu kartel ayam terlebih dahulu.

"Kita tidak mahu melakukan siasatan secara tergopoh-gopoh kerana tidak mahu nanti pihak yang sepatutnya perlu bertanggungjawab, akan terlepas.

"Disebabkan kami berdepan kekurangan kakitangan, kami perlu meletakkan kes lain ke tepi dulu dan memberi keutamaan terhadap siasatan kartel ayam ini," katanya.

“Kertas siasatan akan dibentangkan kepada anggota suruhanjaya pada 27 Jun ini”

Alexander Nanta Linggi,
Menteri Perdagangan Dalam
Negeri dan Hal Ehwal Pengguna



“Melalui pembentangan kertas siasatan ini, kita tidak memanggil syarikat yang sedang disiasat sebaliknya hanya anggota suruhanjaya”

Iskandar Ismail,
Ketua Pegawai Eksekutif MyCC